

ZHONGGUOSHIDA

中國十大

文豪全集

WENHAOQUANJI

韓愈



韩愈全集

张美霞 点校

(二)

时代文艺出版社



## 独钓四首

钓或作酌。“坐仄亲刑柄”，为刑部侍郎时作。

侯家林馆胜，偶入得垂竿。曲树行藤角，平池散芡盘。<sup>①</sup>羽沉知食驶，<sup>②</sup>缙细觉牵难。聊取夸儿女，榆条系从鞍。

一径向池斜，池塘野草花。雨多添柳耳，水长减蒲芽。坐仄亲刑柄，偷来傍钓车。<sup>③</sup>太平公事少，吏隐讵相赊。

独往南塘上，秋晨景气醒。露排四岸草，风约半池萍。鸟下见人寂，鱼来闻饵馨。所嗟无可召，不得倒吾瓶。

秋半百物变，溪鱼去不来。风能坼芡觜，露亦染梨腮。<sup>④</sup>远岫重叠出，寒花散乱开。所期终莫至，日暮与谁回？

① 芡音俭。

② 或作快，或作驶。

③ 坐仄，方作仄坐，云：“仄与偷为一义，坐亲刑柄、来弄钓车为一义，公诗多此体。”今按：坐仄与偷来为对，亦自亲切。又况坐仄乃常用之语，韦苏州云：“坐仄淮南守。”此类极多。方从误本，更为曲说，不知语意之拙涩也。

④ 广信晁氏旧藏印本，能作棱，亦作液，一云山谷所定。

## 枯树

老树无枝叶，风霜不复侵。腹穿人可过，皮剥蚁还寻。寄托惟朝菌，依投绝暮禽。犹堪持改火，<sup>①</sup>未肯但空心。

## 元日酬蔡州马十二尚书去年蔡州元日见寄之什

马十二，捻也。元和十三年元日有诗寄公。次年元日，公以此诗酬之。

元日新诗已去年，蔡州遥寄荷相怜。今朝纵有谁人领，自是三峰不敢眠。<sup>②</sup>

## 咏灯花同侯十一

或作《同侯十一咏灯花》。侯十一，喜也。《雪浪斋日记》云：“此

①《论语》：“钻燧改火。”马融曰：“《周书》月令有改火之文，春取榆柳之火，夏取枣杏之火，季夏取桑柘之火，秋取柞櫟之火，冬取槐檀之火。一年之中，钻火各异木，故曰改火也。”

②峰或作冬。方从唐本云：“华岳有三峰，唐人守华者，皆谓之三峰守。盖公西归经从之路，马诗必有所序述，今不可得而详也。”今按：此诗并题，皆不言经由华州所作，方说既无所据。又三峰不敢眠，亦无文理，今当阙之，以俟知者。



诗极似少陵。”

今夕知何夕，花然锦帐中。自能当雪暖，那肯待春红。黄里排金粟，<sup>①</sup>钗头缀玉虫。更烦将喜事，来报主人公。<sup>②</sup>

## 祖席

### 前字

旧注云：以王涯徙袁州刺史而作。按《旧纪》，涯刺袁州，元和三年四月也。公时在东都，故曰“祖席洛桥边”。此诗前后注文，旧本无之，蜀本亦然。又或二题前字秋字上皆有得字。

祖席洛桥边，亲交共黯然。野晴山簇簇，霜晓菊鲜鲜。书寄相思处，杯衔欲别前。淮阳知不薄，<sup>③</sup>终愿早回船。

① 诸本黄作囊。何逊诗：“金粟裹搔头。”蜀人史彦升曰：“黄里排金，谓额间花钿也。又沈约《宋书》：‘汉制：乘舆，翠盖黄里，所谓黄屋也。’诸本多引《汉纪》注，实此义。”今按：汉制黄屋，与此诗文意不同，疑史说误。

② 一作翁。

③ “阳”本作南，洪本作阳，云：“用汲黯薄淮阳事，以后诗有淮南字，随笔以误也。”

## 秋 字

淮南悲木落，而我亦伤秋。<sup>①</sup>况与故人别，那堪  
羁宦愁。荣华今异路，风雨苦同忧。莫以宜春远，<sup>②</sup>  
江山多胜游。<sup>③</sup>

## 送郑尚书赴南海

郑尚书，名权，有序在《集》。

番禺军府盛，<sup>④</sup>欲说暂停杯。盖海旗幢出，连天  
观阁开。衙时龙户集，<sup>⑤</sup>上日马人来。<sup>⑥</sup>风静鸛鷗去，<sup>⑦</sup>  
官廉蚌蛤回。<sup>⑧</sup>货通师子国，<sup>⑨</sup>乐奏武王台。<sup>⑩</sup>事事皆  
殊异，无嫌屈大才。

① 而或作今。

② 宜春，即袁州也。

③ 公自题此二诗后云：两诗何处好？就中何处佳？何处恶？

④ 番禺，今之广州。番禺音潘，禺音愚。

⑤ 龙户，采珠户也，南海亦谓之艇户。

⑥ 后汉马援讨蛮，以数十人留于象林所铸铜柱下，南蛮呼为马留人。见《新史·南蛮传》。

⑦ 《左氏》：“祀爰居。”《国语》：“海鸟曰鸛鷗。”鸛音爰，鷗音居。

⑧ 东汉孟尝为合浦太守，珠复还。

⑨ 师子国在南海中。

⑩ 武或作越，《汉传》：尉佗自称南越武王。



## 答道士寄树鸡

树鸡，木耳之大者。东坡《和陶诗》：“黄菘养土羔，老楮生树鸡。”

软湿青黄状可猜，欲烹还唤木盘回。烦君自入华阳洞，直割乖龙左耳来。<sup>①</sup>

### 左迁至蓝关示侄孙湘

汉时依上古法，朝列以右为尊，故谓降秩为左迁。蓝关，即秦之峽关，在今蓝田县。《青琐高议》云：“湘字清夫，公侄也。落魄不羁，公勉之学，乃笑作诗，有‘能开顷刻花’之句。公曰：‘汝能夺造化开花乎？’湘遂聚土覆盆，良久曰：‘花已发矣’。举盆乃碧花二朵，叶间有小金字，乃诗一联云：‘云横秦岭家何在，雪拥蓝关马不前。’公未晓诗意。湘曰：‘事久可验’。公后贬潮阳，途有一人冒雪而来，乃湘也。湘曰：‘公忆花上句乎？乃今日事也。’公询地名，即蓝关。再三嗟叹曰：吾为汝成此诗”云云。《酉阳杂俎》，亦载是事，独不载湘名。然公逸诗有《徐州赠族侄》云：“自言有奇术，探妙知天工。”意亦若指是事。岂湘果有出世之学耶？《笔墨闲录》云：“此诗仁且有礼，非志仁义者不能也。”

<sup>①</sup> 柳子厚《龙城志》：“茅山道士吴绛采药于华阳洞口，见一儿手把三珠，戏于松下，绛从之奔入洞口，化为龙，以三珠填左耳中，绛剽其耳，而失其珠。”又冯贽《云仙录》：“天罚乖龙，必割其耳。”



一封朝奏九重天，夕贬潮州路八千。<sup>①</sup> 欲为圣明除弊事，肯将衰朽惜残年？<sup>②</sup> 云横秦岭家何在？雪拥蓝关马不前。<sup>③</sup> 知汝远来应有意，好收吾骨瘴江边。<sup>④</sup>

### 武关西逢配流吐蕃

《唐书·志》：“武关在商州商洛县之东。”公谪潮州，自蓝田入商洛，于武关西见作。

嗟尔戎人莫惨然，<sup>⑤</sup> 湖南地近保生全。<sup>⑥</sup> 我今罪重无归望，直去长安路八千。

### 次邓州界

潮阳南去倍长沙，恋阙那堪又忆家。心讶愁来惟

① 州一作阳。元和十四年，公为刑部侍郎，上表极谏佛骨事。帝大怒，将抵死，持示宰相崔群、裴度。群、度力言愈忠，愿少宽假，以来谏诤。帝稍解，乃责潮州刺史。

② 欲或作本。肯将，或作岂将，又作岂于。朽或作暮。惜一作计。

③ 拥或作掩。今按：此诗于暮计掩四字皆不如今本之胜。

④ 《左传》蹇叔曰：“余收尔骨焉。”

⑤ 戎或作胡，

⑥ 地近，或作近地。





贮火，<sup>①</sup> 眼知别后自添花。商颜暮雪逢人少，<sup>②</sup> 邓鄙春泥见驿踪。<sup>③</sup> 早晚王师收海岳，普将雷雨发萌芽。

### 题临泷寺

临泷，韶州县名。公前《泷吏》诗具述其详。

不觉离家已五千，<sup>④</sup> 仍将衰病人泷船。潮阳未到吾能说，<sup>⑤</sup> 海气昏昏水拍天。<sup>⑥</sup>

### 晚次宣溪辱韶州张端公使君惠书叙别酬以绝句二章

或无“辱端公绝句”字。韶去潮尚远，当在元和十四年夏作。《笔墨闲录》：“潮州以后诗最哀深，宣溪绝句等诗绝有味。”

韶州南去接宣溪，<sup>⑦</sup> 云水苍茫日向西。客泪数行

① 惟一作谁。

② 《前汉·沟洫志》“引洛水至商颜下。”注：“高山之颜，譬人之颜额也”。

③ 邓鄙字见《左》成公九年。

④ 《汉书·高帝纪》“提三尺取天下”，及《韩安国传》本无剑字，古固有如此造语者。公言离家已五千，则知其为里也。或以歌后消之，则非。

⑤ 吾能，或作人先，或作先闻。

⑥ 水或作浪。

⑦ 或作潮，非是。



元自落，<sup>①</sup> 鹓鸪休傍耳边啼。

兼金那足比清文，<sup>②</sup> 百首相随愧使君。<sup>③</sup> 俱是岭南巡管内，莫欺荒僻断知闻。

### 题秀禅师房

桥夹水松行百步，<sup>④</sup> 竹床莞席到僧家。<sup>⑤</sup> 暂拳一手支头卧，<sup>⑥</sup> 还把渔竿下钓沙。<sup>⑦</sup>

### 将至韶州先寄张端公使君借图经

或“无端”公字。此诗及下至韶州留别诗，皆自潮移袁道中作。

曲江山水闻来久，恐不知名访倍难。愿借图经将入界，每逢佳处便开看。<sup>⑧</sup>

① 元或作先。

② 那或作安。

③ 百或作白。

④ 松或作船。

⑤ 床或作林。莞，九还切。

⑥ 头或作颞。

⑦ 钓或作晚。

⑧ 每或作亦。



## 过始兴江口感怀

韶州，始兴郡。大历十四年四月，起居舍人韩会以罪贬韶州刺史，公随会而迁，时年十岁。至是贬潮州，道过始兴，所谓感怀也。

忆作儿童随伯氏，南来今只一身存。目前百口还相逐，旧事无人可共论。

## 韶州留别张端公使君

公量移袁州，故云留别。又曰：公元和十四年正月以论佛骨贬潮州，三月至潮州，十月量移袁州，十五年正月至袁州，其往来上下于韶，皆梅柳新时也，故云“来往再逢梅柳新”。

来往再逢梅柳新，别离一醉绮罗春。久钦江掄文才妙，<sup>①</sup> 自叹虞翻骨相屯。<sup>②</sup> 鸣笛急吹争落日，清歌缓送款行人。<sup>③</sup> 已知奏课当征拜，那复淹留咏白苹。<sup>④</sup>

① 陈孔奂曰：“江掄文华之人。”

② 虞翻仕吴为骑都尉，尝云自恨骨体不媚，犯上获罪。

③ 诸本争作催，款作感。唐本云蜀本亦作争。李云：“二宋评此诗，小宋疑惑字误，大宋初不以为然，后得善本始信。”

④ “汀洲采白蘋”，柳惲诗语。



## 量移袁州张韶州端公以诗相贺因酬之

或无“端公”、“因”三字，或作《量移袁州酬张韶州先寄诗贺》，或作《量移袁州张韶州先诗见贺因酬之》。题语凡四易，各有义也。

明时远逐事何如？遇赦移官罪未除。北望讵令随塞雁，<sup>①</sup>南迁才免葬江鱼。<sup>②</sup>将经贵郡烦留客，先惠高文谢起予。暂欲系船韶石下，<sup>③</sup>上宾虞舜整冠裾。

## 次石头驿寄江西王十中丞阁老

仲舒也。时仲舒自中书舍人，出为江南西道观察使。公自袁还朝，次石头而作。按《水经注》：“赣水西岸有盘石，谓之石头，在豫章郡北”。

凭高试回首，<sup>④</sup>一望豫章城。人由恋德泣，<sup>⑤</sup>马亦别群鸣。寒日夕始照，风江远渐平。<sup>⑥</sup>默然都不语，应识此时情。

①《管子》：“雁春北秋南。”

②屈原：宁葬江鱼腹中。

③《水经》：“韶石对峙似阙。”《郡志》曰：“舜尝登此奏乐，今有庙在焉。”

④试回或作回马。今按：下句有马字，作马非是。

⑤由或作犹。

⑥风江或作江风。



## 游西林寺题萧二兄郎中旧堂

萧兄有女出家。诸本游作题，题作故，无兄字及注。萧二，存也。存少与韩会、梁肃友善，恶裴延龄之为人，弃官归庐山。庐山今犹有萧存、魏弘、李渤同游大林题名。

中郎有女能传业，<sup>①</sup> 伯道无儿可保家。<sup>②</sup> 偶到匡山曾住处，几行衰泪落烟霞。<sup>③</sup>

## 自袁州还京行次安陆先寄随州周员外

诸本如此，但以随为循。方从唐本云：“自贬所蒙恩袁州除官还京，凡多六字。”方云：如淳《汉纪》注曰：“凡言除者，除故官，就新官也。”公志郑僖墓曰：“诏授司马节度，除其官为工部尚书。”与此同。周员外，周君巢也。时为随州刺史。以经由道里考之，作循非是。今按：诸本得之。唐本既颠倒重复，而方说又不可晓。疑袁州字当在贬字上，或注在所字下。循州之辨，则方得之。或本袁州下有除官二字，亦通。随又作复，当考。

① 中郎，蔡邕也。其女文姬，能诵忆父书无遗误。

② 今按《因话录》作“无人可主家”。伯道，邓攸也，弃己子而全兄子，卒以无后。时人哀之曰：“皇天无知，邓伯道无儿。”

③ 《因话录》作：“今日匡山过旧隐，空将衰泪对烟霞。”



行行指汉东，<sup>①</sup> 暂喜笑言同。雨雪离江上，蒹葭出梦中。面犹含瘴色，眼已见华风。岁暮难相值，酣歌未可终。

### 题广昌馆

馆在随州枣阳县南。

白水龙飞已几春，<sup>②</sup> 偶逢遗迹问耕人。<sup>③</sup> 丘坟发掘当官路，<sup>④</sup> 何处南阳有近亲。<sup>⑤</sup>

### 寄随州周员外

随或作循，或作复，说已见上。

陆孟丘杨久作尘，<sup>⑥</sup> 同时存者更谁人？金丹别后

①《左氏》：“汉东之国随为大。”

②张衡《东京赋》：“我世祖乃龙飞白水”。

③逢或作寻。

④或作道。

⑤显宗为东海公，曰：“河南帝城多近臣，南阳帝乡多近亲。”

⑥蜀本杨作阳。公与陆长源、孟叔度、丘颖、杨凝及周君巢，同为董晋幕客故也。



知传得，<sup>①</sup> 乞取刀圭救病身。<sup>②</sup>

### 酒中留上襄阳李相公

谓逢吉也。诸本作《醉中留别襄州李相公》。

浊水污泥清路尘，<sup>③</sup> 还曾同制掌丝纶。<sup>④</sup> 眼穿长讶  
双鱼断，<sup>⑤</sup> 耳热何辞数爵频？<sup>⑥</sup> 银烛未消窗送曙，<sup>⑦</sup> 金  
钗半醉座添春。<sup>⑧</sup> 知公不久归钧轴，应许闲官寄病身。

### 去岁自刑部侍郎以罪贬潮州刺史乘驿 赴任其后家亦谴逐小女道死殡之层峰 驿旁山下蒙恩还朝过其墓留题驿梁

诸本只作《题驿梁》。下有注字，与此题少异，今从唐本。

① 周好金丹服饵之术，柳子厚集中有《答周君巢论饵药久寿书》是也。

② 《本草》云：“刀圭者，十分方寸七之一。”

③ 曹子建诗：“君若清路尘，妾若浊水泥。”

④ 公元和十一年正月为中书舍人，而逢吉以其年二月自舍人拜相，故云。

⑤ 《选》：“遗我双鲤鱼，中有尺素书。”

⑥ 杨惲书云：“酒后耳热，仰天拊缶，而呼乌乌。”

⑦ 销或作终，或作残。窗或作鸡。

⑧ 醉或作坐。许彦周云：“退之此语，殊不类其为人，乃知赋梅花不独宋广平也。”



数条藤束木皮棺，草殡荒山白骨寒。惊恐入心身已病，扶舁沿路众知难。<sup>①</sup> 绕坟不暇号三匝，<sup>②</sup> 设祭惟闻饭一盘。<sup>③</sup> 致汝无辜由我罪，百年惭痛泪阑干。

### 贺张十八秘书得裴司空马

张籍、裴度也。或作《酬张秘书因骑马赠诗》。

司空远寄养初成，毛色桃花眼镜明。<sup>④</sup> 落日已曾交警语，春风还拟并鞍行。长令奴仆知饥渴，须著贤良待性情。旦夕公归伸拜谢，免劳骑去逐双旌。<sup>⑤</sup>

### 杏园送张彻侍御归使

或作侍郎，无归使字。方从唐本云：“彻时以幽州判官趋朝，半道有诏还之，仍迁侍御史，从张弘靖之请也。”杏园在长安城南，其实彻已抵京，但未朝见耳。《旧传》云“续有张彻自远使归”是也。

东风花树下，送尔出京城。久抱伤春意，新添惜

① 舁音余。

② 延陵季子适齐，子死，葬于赢博之间。既封，且号者三，见《礼记》。

③ 《荆楚岁时记》：“祭子推文：黍饭一盘。”

④ 《尔雅》：“马黄白杂毛曰駉。”注云：“今桃花马也。”颜延之《赭白马赋》曰：“双瞳夹镜。”

⑤ 骑去，或作去骑。裴诗有“他日著鞭能顾我”之语，故公云尔。





别情。归来身已病，相见眼还明。更遣将诗酒，谁家逐后生？’

### 雨中寄张博士籍侯主簿喜

放朝还不报，半路踏泥归。<sup>①</sup>雨惯曾无节，雷频自失威。见墙生菌遍，忧麦作蛾飞。<sup>②</sup>岁晚偏萧索，谁当救晋饥？<sup>③</sup>

### 奉和兵部张侍郎酬郢州马尚书祗召途 中见寄开缄之日马帅已再领郢州之作

张谓张贾，马谓马拯。诸本无奉和及郢州之作字，别有奉和二字。祗或作被。

来朝当路日，承诏改辕时。再领须句国，<sup>④</sup>仍迁

24

① 半路，一作夜半。今按：朝还无因至夜半，作半路，亦不可晓。疑以雨放朝，而有司失于关报，行至半路，乃得报而归也。

② 《述异记》：“晋太康中，麦化为飞蛾。”

③ 《左》僖十三年：“晋荐饥，乞糒于秦。”

④ 《左传》僖公二十一年：“邾人灭须句。”杜预注：“须句在郢之东平须昌县西北。”句音劬。